

Ministerium Ecclesiae Anglicanae à  
Reformatoribus nostris nec factum  
est nullum nec Antichristianum.

**V**os sacri *Heroum* manes, caeloque recepti,  
Quorum vindiciis primò *instaurata* refulsit  
*Religio*, & nimium, dum fas rectumq; putaret,  
Romanae obsequio devota *Britannia* sedis,  
Excussit Papale jugum; descendite *Olympo*  
Augusti, & mentes si tangit cura beatas  
Aut amor ingrati vestris virtutibus Orbis,  
Præsentes hodiè vestros ornate triumphos,  
Quantillum vobis curæ est, quos ardua cœli  
Regia victores celebrat *clamore secundo*,  
Quid mendax *Roma*, aut Romæ Fanatica, partû  
Vipereo, proles, vecordi murmurè possit  
Obstrepere? Ut toto imprimis ridetur *Olympo*  
Fabula de *Manni capite*, & convivia ficta  
Sacranum sese sua per suffragia Patrum.  
*Res m. moranda novis Annalibus, atque recentis*  
*Historiâ*, quod cum delubra aræque paterent  
Undique, fumanti fierent nova sacra *popinâ*.  
Scilicet hinc miseros sec'lo volvente, nepotes  
Perpetuus sacri, nullo præclusus hiatu,  
Ordo Ministerii, fidei mysteria tradens  
Attigit! ô habeas aliquem, pia *Roma*, pudorem:  
Hunc potius turpi sacrum crede *popinâ*  
Cujus vel foedum facta est Urbs tota lupanar;  
Cujus vel scortum, vel scorto nata propago  
Incestat sanctæ subsellia proxima sedi.

Qualiter *Alphæus* (seu *Nympha Arethusa* vocetur)  
Arcadiâ profugus, demerso creditur amne  
Occulto latè subter mare tramite serpens  
Fonte iterum puro *Siculis* emergere in oris:  
Sic primæva Fides, fideique in secula custos,  
Recta Ministerii longo successio tractû  
Deducta, à primis hæc usque ad tempora fluxit.  
Tecta diu, obducto limosis sordibus alveo  
Fluxerat, & densâ circum caligine fusa  
Fugerat humanos oculos, at cognita cœlo,  
Religio, *Roma* captivum tæca per Orbem  
Impietas sævæque potens dum glisceret error.  
Emersit tamen & longo post tempore lætum  
Exeruit caput, & veteri splendore decora  
Ringente *Italiâ*, Papâ frendente, refulsit.  
Tunc cœli auspiciis parens, simul *Anglia* felix  
In libertatem antiquam lucemque renata est;  
Rejeto quicquid deliræ somnia Romæ  
Aut fraus, ambitio, lucrique, insana cupido  
Primævæ addiderant fidei: æternumq; recepto  
Quicquid *Apostolici* afflatû prudentia *sec'li*  
Sanxerat æthereo. Felicem te usque vocarem  
*Anglia*, si semper mente hæc immota stetisses.  
Fata obstant, obstat violenti sæva propago  
*Calvini*, fidei sine fine intenta modoque  
Purgandæ; & fastûs Papalis stirpe revulsâ,  
Succrescens tumidæ *Paritas* vesana *Genevæ*.

Illic imprimis cœlo data jura recepit  
Ordo sacer, qualis circa primordia fulsit,  
Partito officii triplicis distinctus honore.  
Longè hinc sanctorum Patrum per secula fluxit,  
Longa Ministrorum series. Hinc tempore justo  
Ascendit præsens Orbis Patriarcha *Britanni*  
Promeritum virtute thronum, quo *Granta* trium-  
Patrono, & felix *Reffore* Ecclesia gestit. (phat  
Hinc *Petrus*, cujus nomen formidine quassat  
*Papalem Cathedram*, & tenebris emerfa profundis  
Sæpius, obtundit sceleratæ dogmata Romæ.  
Quicquid *scurra procax*, quicquid *Fanatica turba*  
Obstrepit, invidiâ stolidoq; armata furore.  
Ille quibus *Primas*, aut *Præsul* displicet ille,  
Non hos Religio petit instaurata *Patronos*,  
Non *hostes* metuit: Quæris nil impunè placebit,  
Cui *Liga solennis*, sacratum sanguine *Fædus*,  
Assertor *Beza*, & *Calvinus* desuit author.

Polygamia Legi Evangelicæ repugnat.

**E**ssè duas *Veneres* generis non unius olim.  
Atque illis *pueros* creditur esse duos.  
Illa vagâ spumâ turbatæ nascitur undæ:  
Hæc fuit ipsius filia dicta *Jovis*.  
Altera lascivis solet urere pectora flammis,  
Et variis animum sollicitare modis.  
Altera virgineas tædas fecisse jugales  
Et castos satagit conciliâsse toros.  
Illa procax puero Dea cum petulante subegit  
Infantis mundi sæcula prima sibi.  
Tum vaga robusti nullo connubia ritû  
Jungebant, nullâ lege vetante, patres;  
Sic nova cuique fuit deducta colonia terræ,  
Ex populis genuit quos sibi quisq; parens,  
Sexcentos licuit dum desudare per annos,  
Natorumq; novos multiplicare greges.  
Creverit uxorum sic natio, larga supellex,  
*Pauper* erat potuit qui *numerare pecus*.  
Forsan & uxores coluerunt more *Scytharum*:  
Non binas messes præbuit unus ager.  
Longè aliâ nobis causâ deducitur uxor,  
Municipes cœlo quos genuisse decet.  
Castaque virgineum est imitata Ecclesia *sponsum*:  
Nempe animas *Christo* parturiisse velit.  
Sic monet illa *Venus* puris advecta columbis,  
Solum animos animis quam sociare juvat.  
Quæque duas alias dilexit, *adultera mens est*,  
Alterius pellex pellicis una manet.  
Nec plures adamare jubet nos Author amoris  
Uxores; dederit *mollius* ille *jugum*.  
Una *Laborantium* curas hîc auget, in astris  
Nulla *Triumphantium* gaudia diminuet.

E R G O,

Quisquis erit cui non uxor satis una videtur,  
Nil illi satis est, vane *Lysere*, mali.